

 LINKOVI

April 2025						
Po	Ut	Sr	Ce	Pe	Su	Ne
31	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	1	2	3	4

A group of approximately 25 personnel in military uniforms are posed for a group photo in front of a modern building with large glass windows. The personnel are arranged in two rows, with some kneeling in the front and others standing behind them. The building has a light-colored facade and large windows reflecting the sky and surrounding landscape. The ground is paved, and a white line is visible in the foreground.

🕒 Objavljeno utorak, 01 April 2025 08:45
📥 Klikova: 128

Na području Zeničko-dobojskog kantona javni red i mir je narušen u devet slučajeva.

U navedenim događajima intervenisali su policijski službenici i protiv počinitelaca preduzeli zakonom predviđene mjere i radnje.

U toku noći 30/31.03.2025. godine, u ulici Pehare, od strane nepoznatog lica izvršeno je krivično djelo "Teška krađa" u putničko motorno vozilo "Kamper", vlasništvo A.T. (1976) iz Zenice. Tom prilikom otuđen je jedan agregat jačine 2 KW, električni romobil, šest štapova za pećanje, gedore, dvije torbe sa garderobom, komplet tuš za tuširanje, 60 litara dizel goriva, zvučnik bluetooth, aku bušilica i dvije led lampe. Izvršen je uviđaj od strane policijskih službenika Odsjeka kriminalističke policije Policijske uprave I, koji su nastavili daljnji rad na dokumentovanju krivičnog djela.

Dana 31.03.2025. godine, u 18,55 sati, u ulici Pišče, u ugostiteljskom objektu "Baltic" od strane lica A.K. (1972), izvršen je fizički napad nad licem S.D. (1952), oba lica iz Zenice. Tom prilikom S.D. je zadobio lakše tjelesne povrede konstatovane u Kantonalnoj bolnici Zenica. Lice A.K. je lišeno slobode i zadržano u prostorijama Policijske uprave I, te je nad istim zavedena kriminalistička obrada. Izvršen je uviđaj od strane policijskih službenika Odsjeka kriminalističke policije Policijske uprave I.

Dana 30.03.2025. godine, u 23,15 sati, na platou parking prostora izletišta Smetovi, od strane lica D.Č. (2000) iz Zenice, izvršeno je krivično djelo "Posjedovanje i omogućavanje uživanja opojnih droga" i krivično djelo iz člana 52. Zakona o nabavljanju, držanju i nošenju oružja i municije ZDK. Prilikom prilaska policijskih službenika Policijske stanice Crkvice parkirano putničkom motornom vozilu Ford u kojem se nalazilo navedeno lice, isto je ispod vozila odbacilo vatreno oružje, pištolj. Izvršenim pregledom lica D.Č. kod istog je pronađena metalna "drobilica" sa sadržajem biljne materije koja svojim izgledom asocira na opojnu drogu "Marihuanu", ukupne težine 91,66 grama. Vatreno oružje i biljna materija su oduzeti, a lice lišeno slobode i zadržano u prostorijama za zadržavanje, te je nad istim zavedena kriminalistička obrada. Izvršen je uviđaj od strane policijskih službenika Odsjeka kriminalističke policije Policijske uprave I.

Dana 31.03.2025. godine, u 01,15 sati, u ulici Kralja Tvrtka, od strane lica E.Č. (1977) iz Visokog, izvršeno je krivično djelo "Posjedovanje i omogućavanje uživanja opojnih droga". Prilikom pregleda od strane policijskih službenika Policijske stanice Visoko kod istog je pronađen jedan upakovan sadržaj praškaste materije koja svojim izgledom asocira na opojnu drogu "Speed", ukupne težine 1,00 gram. Pronađena materija je oduzeta, a lice lišeno slobode i zadržano u prostorijama za zadržavanje. Izvršen je uviđaj od strane istražitelja Policijske stanice Visoko uz upoznavanje dežurnog tužioca.

Dana 31.03.2025. godine, u 20,10 sati, u mjestu Arnautovići, od strane lica A.S. (1984) iz Visokog, izvršena su krivična djela "Nasilničko ponašanje" i "Oštećenje tuđe stvari". Tom prilikom isti je fizički napao lice A.I. (1982) iz Visokog, te oštetio putničko motorno vozilo "VW Tourage" vlasništvo istog. Usljed zadobijenih povreda A.I se obratio u Dom zdravlja Visoko, gdje je konstatovano da je zadobio lakše tjelesne povrede. Izvršen je uviđaj od strane istražitelja Policijske stanice Visoko uz upoznavanje dežurnog tužioca.

Dana 31.03.2025. godine, u 15,10 sati, u mjestu Gornji Tičići, od strane lica H.H. (1981) iz Kaknja, izvršeno je krivično djelo "Oštećenje tuđe stvari". Tom prilikom isti je ošteti ulazna vrata vjerskog objekta, džamije. Izvršen je uviđaj od strane istražitelja Policijske stanice Kakanj uz upoznavanje dežurnog tužioca, koji su nastavili daljnji rad na dokumentovanju krivičnog djela.

Dana 30.03.2025. godine, u 16,55 sati, u mjestu Žabljak, od strane nepoznatog lica izvršeno je krivično djelo "Oštećenje tuđe stvari". Tom prilikom je razbijeno staklo na ulaznim vratima kuće vlasništvo A.T. iz Usore, a koju koristi lice F.R. (1991), takođe iz Usore. Izvršen je uviđaj od strane istražitelja Policijske stanice Usora uz upoznavanje dežurnog tužioca.

Na području Zeničko-dobojskog kantona dogodilo se sedam saobraćajnih nezgoda u kojima su tri lica zadobila lakše tjelesne povrede, dok je na vozilima pričinjena materijalna šteta.